

» parenti, coi amici, coi conoscenti, ze reo el cittadin, che ha eccità
 » de aver prima avvertido e de non esser stà tanto improvviso quan-
 » to l'Emo. Ma vostre eccellenze nel loro animo difende sto citta-
 » din, nè el ga bisogno della mia difesa. Sto cittadin ha nomina
 » argomenti profondi senza conoscerli. Sto cittadin eccitante de
 » ancuo ze el cittadin stesso eccitante nel giorno, che ha parlà l'ec-
 » cellentissimo Emo. Le sue parole ze le stesse, giuro sull' onor
 » mio, su quell' onor, che me ze conteso e che difendo; ch' el cit-
 » tadin eccitante ze sta copia del zelante, che se ze dimenticà de
 » quel, che l'aveva pensà una volta. Cossa hallo prodotto? Reli-
 » gion, viveri, educazion, arti, mestieri. Nel so eccitamento ghe ze
 » un articolo committente colle stesse espression. El cittadin ecci-
 » tante ze imitator dell' Emo. Ma, eccellentissimo Emo, domando
 » umil perdon, se el Contarini era indigesto, oseuro, pericoloso, se
 » gh'era nota sta premeditazion, perchè non adoperar el so zelo
 » dell' eccitamento? Perchè non oppor allora? Perchè insorger ora
 » con una domanda de fatal contradizion al Mazor Conseggio? Cosa
 » vorla adesso, che gnente se fassa, dopo che 545 voti ha ditto che
 » se fassa? Dopo che con 447 el Mazor Conseggio ha chiamà a sé
 » la decision sui punti controversi?

» Me rivolgo adesso all' eccellentissimo Conseggier Bragadin,
 » formandoghe rispettosa risposta. El dise, che ghe par strana la
 » mia comparsa; e a mi per gnente altro la me par strana, se non
 » perchè son solo. Come mai sarà strano, che una proposizion of-
 » ferta a tutti i cittadini, lassada per questo per otto zorni in can-
 » cellaria con permission a chiunque de lezerla, de considerarla,
 » trovi un cittadin non persuaso e che porti i so dubbj al Mazor
 » Conseggio? Sti obbietti no i fu convinti da sua eccellenza. Molte
 » cose l'ha introdotto, gnente l'ha provà. Mi no so cosa risponder.
 » Ho ditto, che la proposizion ze illusoria, mendace, ingiuriosa, in-
 » decente. La legge, che sua eccellenza ha cità, parla della mode-
 » razion dell' ordine patrizio, ma non del costume. Costume vol dir
 » tutto. Sto argomento se la Signoria crede de darlo al Conseggio